

Framvinduskýrsla

Græn skuldabréf 2024




LÁNASJÓÐUR SVEITARFÉLAGA



Efnisyfirlit



3-7	Formáli
8-9	Flokkunarkerfi sjálfbærra fjárfestinga
10-11	Útgáfa grænna skuldabréfa
12	Aðrar grænar lánveitingar
13-14	Lánshæf verkefni
15	Viðauki I
16-17	Takmörkuð staðfesting óháðs endurskoðanda



Lánasjóður sveitarfélaga hefur sett sér það markmið að vera til fyrirmyndar í umhverfismálum og hafa samfélagslega ábyrgð að leiðarljósi í allri sinni starfsemi og ákvarðanatöku. Lánasjóðurinn hvetur sveitarfélög til að leggja sitt af mörkum til sjálfbærrar þróunar með því að fara frekar í verkefni sem milda loftslagsbreytingar og hafa jákvæð umhverfisáhrif. Helsta verkfæri Lánasjóðsins til að uppfylla þessi markmið er að veita sveitarfélögum hagkvæma fjármögnun á umhverfisbætandi verkefnum sveitarfélagana með grænum lánveitingum.


Græna umgjörð Lánasjóðsins tekur á þeim verkefnum sem sveitarfélög eru ábyrg fyrir í grunnþjónustu í umhverfismálum enda eru þau lykilaðilar þegar kemur að rekstri fráveitna, vatnsveitna og hitaveitna, hirðu og meðhöndlun úrgangs auk hreinsunar á landi sveitarfélagsins. Á næstu árum standa sveitarfélögin frammi fyrir auknum lagalegum kröfum varðandi loftlagsmál, úrgangsstjórnun, innleiðingu hringrásarhagkerfis og náttúruvernd.

Umfangsmiklar breytingar á lögum um úrgangsmál og innleiðingu hringrásarhagkerfis, tóku gildi 1. janúar 2023. Við undirbúning þeirra þurftu sveitarfélög landsins að endurskoða verklag og þau stjórnæki sem þau hafa hingað til nýtt sér við meðhöndlun úrgangs. Þá tók í gildi 1. júní 2023 löggjöf sem varðar auknar kröfur á upplýsingagjöf um sjálfbærni hjá fjármálafyrirtækjum, útgefendum verðbréfa og stórum félögum.



Græn vegferð Lánasjóðsins hófst árið 2019 þegar umhverfisstefna sjóðsins var samþykkt. Í framhaldinu var umgjörð grænna skuldabréfa unnin í samstarfi við Landsbankann. Græna umgjörðin byggir á alþjóðlegum viðmiðum sem ICMA hefur sett saman og byggir á fjórum grunnstoðum. Lánasjóðurinn fékk vottun á umgjörðina frá alþjóðlega vottunaraðilanum Sustainalytics í október 2019.





Verkefni sveitarfélaga sem fjármögnuð verða með grænum skuldabréfum þurfa að uppfylla þau skilyrði sem koma fram í umgjörðinni



Flokkunarkerfi sjálfbærra fjárfestinga


Í júní 2023 tóku gildi lög nr. 25/2023 um upplýsingagjöf um sjálfbærni á sviði fjármálaþjónustu sem byggir á reglugerð Evrópusambandsins nr. 2020/852 auk reglugerðar nr. 2021/2139 um flokkunarkerfi sjálfbærra fjárfestinga (e. EU Taxonomy). Flokkunarreglugerðin skilgreinir hvað telst vera umhverfislega sjálfbær atvinnustarfsemi. Þar eru sett fram tæknileg matsviðmið sem skilgreina að hvaða marki atvinnustarfsemi eða tiltekin verkefni fyrirtækja telst umhverfislega sjálfbær.

Starfsemi Lánasjóðsins er lánveitingar til sveitarfélaga og fyrirtækja og stofnana í þeirra eigu. Lánasjóðurinn hefur flokkað allar grænar lánveitingar ársins í samræmi við ákvæði flokkunarreglugerðarinnar. Voru allar lánveitingar flokkaðar miðað við þau verkefni sem lánað var til og lagt mat á hvort þau féllu undir þá flokka sem skilgreindir eru samkvæmt flokkunarreglugerðinni. 58% af lánveitingum grænna lána á árinu féllu undir flokkun framleiðslu á varma/kælingu úr jarðvarmaorku og 42% tilheyrði uppbyggingu, stækkun og starfrækslu skólpsöfnunar og -hreinsunarkerfa.

Enginn lántaki gat staðfest að viðkomandi verkefni uppfyllti tæknileg matsviðmið flokkunarreglugerðarinnar að öllu leyti.



Taxonomy flokkun grænna lána 2024



- 4.22. Framleiðsla á varma/kælingu úr jarðvarmaorku
- 5.3. Uppbygging, stækkun og starfræksla skólpsöfnunar og -hreinsunarkerfa



Útgáfa grænna skuldabréfa

Eftirspurn grænna lánveitinga hefur sveiflast síðustu ár enda mótast eftirspurnin eftir þeim fjárfestingaverkefnum sem sveitarfélögin standa frammi fyrir hverju sinni. Heildarlánveitingar Lánasjóðsins fyrir árið 2024 voru 120 milljónir. Það er umtalsvert lækkun frá árinu 2023 en þá lánaði sjóðurinn út 3.600 milljónir í grænar lánveitingar. Tvö sveitarfélög tóku græn lán hjá sjóðnum árið 2024 til samanburðar við fjögur árið áður.

LSS40 GB

Til að fjármagna grænar lánveitingar hefur Lánasjóðurinn gefið út í græna skuldabréfaflokknum LSS040440 GB. LSS40 GB er verðtryggt skuldabréf til 15 ára. Ekkert útboð var haldið á árinu 2024 en á árinu 2023 voru seld skuldabréf fyrir samtals 2.075 m.kr. að nafnverði í tveimur útboðum á ávöxtunarkröfunum 2,97% í fyrra útboðinu og 3,85% í því síðara.


Lánasjóðurinn átti í upphafi árs um 596 milljónir í útlánsfé á árinu 2024.

Sjóðurinn veitti lántakendum lán að fjárhæð 120 milljónir í græn verkefni og því var 20% af fjármagninu ráðstafað. Eftirstöðvar af LSS40 GB í lok árs 2024 er um 476 milljónir.



Grænt skuldabréf LSS40 GB

Ráðstöfun útlánsfjár á árinu 2024






LSB 29 GB

Engin útboð voru haldin í skuldabréfaflokknum LSB 280829 GB á árinu 2024. Eina útboðið í LSB 29 GB var árið 2021 þegar seld voru skuldabréf fyrir 1.738 milljónir á ávöxtunarkröfunni 4,20%. Eftirstöðvar af LSB29 GB í lok árs 2024 voru 95 milljónir. Á árinu 2024 voru engin lán veitt úr flokknum eins og á árinu á undan. Síðustu lán sem voru veitt úr flokknum voru á árinu 2022 þegar 410 m.kr. voru teknar að láni í tveimur aðskildum lántökum.

Grænt skuldabréf LSB 29 GB

Ráðstöfun útlánsfjár á árinu 2024



Óráðstafað

Aðrar grænar lánveitingar

Lánasjóðurinn býður lántakendum sínum upp á þann valkost að fá græn lán á grundvelli lánsheimildar Lánasjóðsins hjá Þróunarbanka Evrópuráðsins (CEB). Lántakan hjá CEB var tekin til að fjármagna verkefni hjá lántakendum Lánasjóðsins sem féllu undir skilgreiningu græna ramma sjóðsins um að vera umhverfisbætandi verkefni. Samhliða lántökunni hjá CEB gerði Lánasjóðurinn afleiðusamninga til að verja rekstur sjóðsins gangvart vaxta- og gjaldeyrisáhættu.

Engar grænar lánveitingar með ofangreindu fyrirkomulagi voru veittar á árinu 2024.

Lánshæf verkefni

Fráveitur og hreinsistöðvar

Frá- og vatnsveita - 50 m.kr.

Taxonomy flokkun: 5.3.

Uppsetning nýs tveggja þrepa hreinsibúnaðar og nýrrar dælustöðvar fyrir kalt vatn.

Verk í vinnslu í árslok.



Jarðvarmavirkjanir

Hitaveita - 70 m.kr.

Taxonomy flokkun: 4.22.

Ný borhola fyrir heitt vatn.


- Áætluð framleiðslugeta m.v. 25 l/s er 788.400 tonn á ári.

Verk í vinnslu í árslok. Áætluð verklok 2025.






Fjármögnun skipt eftir verkefnum



■ Fráveitur og hreinsistöðvar ■ Jarðvarmavirkjanir

Viðauki I



Útgreidd græn lán 2024

Taxonomy flokkun	Sveitarfélag	Lánsfjárhæð	Tilgangur	Lán uppfyllir tæknileg skilyrði Taxonomy reglugerðar
4.22.	Kjósarveitur	70	Hitaveita - borhola	Nei
5.3.	Húnabyggð	50	Frá- og vatnsveita	Nei
Samtals		120		

Takmörkuð staðfesting óháðs endurskoðanda

Takmörkuð staðfesting óháðs endurskoðanda til Lánasjóðs sveitarfélaga ohf. (LS) vegna framvinduskýrslu vegna grænna skuldabréfa LS fyrir árið 2024 með takmarkaðri vissu um að framvinduskýrsla grænna skuldabréfa sem Lánasjóðurinn gefur út byggji á viðeigandi upplýsingum hvað varðar fjárhæð lántöku og ráðstöfun lánveitinga í samræmi við samþykktu umgjörð Lánasjóðsins um græn verkefni.

Niðurstaða

Við höfum yfirfarið ráðstöfun LS í lánveitingar til grænna verkefna á árinu 2024 og að framvinduskýrsla grænna skuldabréfa sem LS gefur út byggji á réttum upplýsingum hvað varðar fjárhæð lántöku og lánveitinga í viðeigandi græn verkefni samkvæmt grænni umgjörð LS, eins og lýst er á bls. 10 - 16 í framvinduskýrslu grænna skuldabréfa lánasjóðsins.

Yfirferð okkar nær ekki til annarra upplýsingar í framvinduskýrslu grænna skuldabréfa en þeirra sem að ofan greinir og eru á bls 10 - 16 og við staðfestum þær á ekki á neinn hátt.

Byggt á þeim aðgerðum sem framkvæmdar voru og þeim gögnum sem var aflað, er ekkert sem komið hefur fram sem bendir til þess að lánveitingar til grænna verkefna séu ekki í öllum meginatriðum í samræmi við græna umgjörð LS sem birt er á heimasíðu Lánasjóðsins og að framvinduskýrsla grænna skuldabréfa sem LS gefur út byggji ekki á réttum fjárhæðum hvað varðar lántökur og lánveitingar til grænna verkefna á árinu 2024 eins og lýst er á bls. 10 - 16 í framvindu- skýrslu grænna skuldabréfa.

Grundvöllur fyrir niðurstöðum

Skoðun okkar var unnin í samræmi við alþjóðlegan staðal um staðfestingar, ISAE 3000 (revised) Assurance Engagements other than Audits or Reviews of Historical Financial Information, sem gefinn var út af International Auditing and Assurance Standards Board (IAASB). Ábyrgð okkar samkvæmt staðlinum er lýst nánar í kaflanum um Ábyrgð endurskoðanda.

Við höfum uppfyllt kröfur um óhæði og aðrar siðareglur sem fram koma í alþjóðlegum siðareglum fyrir endurskoðendur ásamt alþjóðlegum stöðlum um óhæði, sem gefið hefur verið út af International Ethics Standards Board for Accountants(IESBA).

KPMG hefur innleitt alþjóðlegan staðal um gæði, ISQM 1, sem innheldur kröfur um að fyrirtækið hanni, innleiði og starfræki gæðastjórnunarkerfi, þ.m.t. stefnur eða verklagsreglur sem tryggja fylgni við siðareglur og aðrar gildandi reglur og lög.

Við teljum að við höfum aflað nægjanlegra og viðeigandi gagna til að byggja niðurstöður okkar á.

Ábyrgð stjórenda LS

Stjórnendur LS bera ábyrgð á framsetningu upplýsinga um útgáfu skuldabréfa og ráðstöfun þeirra til grænna verkefna á árinu 2024 í framvinduskýrslu grænna skuldabréfa í samræmi við græna umgjörð LS sem birt er á heimasíðu sjóðsins, og einnig skilgreiningu fyrirhugaðra notenda og viðeigandi viðmiða sem liggja til grundvallar. Ennfremur bera stjórnendur ábyrgð á því að skipuleggja, innleiða og viðhalda innra eftirliti sem varðar framsetningu, útreikninga og mat á upplýsingum um útgáfu skuldabréfa og ráðstöfun þeirra til grænna verkefna þannig að framsetning upplýsinga sé í meginatriðum án verulegra annmarka, hvort sem er vegna sviksemi eða mistaka.

Staðfestingarskýrsla óháðs endurskoðanda, frh.:

Ábyrgð endurskoðanda

Ábyrgð okkar snýr að því að:

- skipuleggja og framkvæma vinnu okkar þannig að takmörkuð vissa fáiist um hvort framvinduskýrsla um græn skuldabréf LS sé án verulegra annmarka, hvort sem er vegna sviksemi eða mistaka.
- komast að óháðri niðurstöðu, byggt á þeim aðgerðum sem framkvæmdar voru og þeim gögnum sem var aflað; og
- gefa út áritun með niðurstöðum til LS.

Samantekt á aðgerðum sem byggja undir niðurstöður

Við beittum faglegri dómgreind og viðhöfðum faglega gagnrýni við yfirferðina. Við skipulögðum aðgerðir til að afla nægjanlegra og viðeigandi gagna til að byggja niðurstöður okkar á.

Aðgerðirnar sem framkvæmdar voru í þessu samhengi fólust fyrst og fremst í fyrirspurnum til stjórnenda og starfsmanna lánasjóðsins til að afla skilnings á ráðstöfun lánveitinga og rekja forsendur fyrir veittum lánum í samþykktu umgjörð Lánasjóðsins fyrir skilyrðum grænna lánveitinga.

Aðgerðum beitt við takmarkaða staðfestingu eru ólíkar hvað varðar eðli og tímasetningu vinnu og eru að auki umfangsminni, samanborið við staðfestingu sem felur í sér hæfilega vissu (e. resonable assurance). Þarf af leiðandi er stig staðfestingar sem fengin er með afmarkaðri staðfestingu verulega lægra en staðfesting sem felur í sér hæfilega vissu.

Reykjavík, 21. ágúst 2025

KPMG ehf.

Harðvildur Helgadóttir